

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-144/25
Vareš, 29.05. 2025. godine

Na osnovu člana 22. i 95. Statuta Općine Vareš (prečišćeni tekst) broj: 01-162/12 od 11.09. 2012. godine, a u vezi sa članom 95. i 100. Poslovnika o radu Općinskog vijeća Vareš (Novi prečišćeni tekst) broj: 01-132/20 od 19.10. 2020.godine, broj: 01-170/21 od 30.09. 2021. godine i broj: 01-91/23 od 30.03. 2023. godine, Općinsko vijeće Vareš na 7. sjednici održanoj 29.05. 2025. godine, d o n o s i:

ZAKLJUČAK

1. **PRIHVATA SE** Izvještaj o provedenim izborima za članove savjeta mjesnih zajednica na području općine Vareš.
2. **NE PRIHVATAJU SE** prijedlozi Komisije navedeni u Izvještaju, a koji se odnose na mjesne zajednice: Striježevo, Pogar, Vareš, Vareš Majdan, Mir i Pržići.
3. Izvještaj iz tačke 1. čini sastavni dio ovog Zaključka.
4. Zaključak stupa na snagu danom donošenja.

DOSTAVLJENO:

1x Općinski načelnik,
2x Služba za opću upravu,
1x a/a.



**PREDSJEDAVAJUĆI
OPĆINSKOG VIJEĆA**

Malik Rizvanović
Malik Rizvanović

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

011-75/25

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



- Komisija za utvrđivanje rezultata izbora
za članove savjeta mjesnih zajednica na
području općine Vareš -

Broj: 02/2-057/25
Vareš, 15.05. 2025. godine

Na osnovu člana 7. Odluke Općinskog vijeća Vareš, o raspisivanju izbora za članove savjeta mjesnih zajednica na području općine Vareš, broj: 01-64/25 od 28.02. 2025. godine, Komisija za utvrđivanje rezultata izbora za članove savjeta mjesnih zajednica na području općine Vareš, imenovana Rješenjem Općinskog vijeća Vareš, broj: 01-65/25 od 28.02. 2025. godine d o s t a v l j a

IZVJEŠTAJ **o provedenim izborima za članove savjeta mjesnih zajednica** **na području općine Vareš**

U skladu sa Odlukom Općinskog vijeća Vareš, o raspisivanju izbora za članove savjeta mjesnih zajednica na području općine Vareš, broj: 01-64/25 od 22.02. 2025. godine (u daljem tekstu: Odluka), Komisija za utvrđivanje rezultata izbora za članove savjeta mjesnih zajednica na području općine Vareš, imenovana Rješenjem Općinskog vijeća Vareš, broj: 01-65/25 od 28.02. 2025. godine (u daljem tekstu: Komisija) je na osnovu zapisnika sa zborova građana koje su dostavili organi mjesnih zajednica pripremila ovaj Izvještaj i dostavlja ga Općinskom vijeću Vareš.

Odlukom su utvrđeni datumi za izbore u mjesnim zajednicama i to: 12. i 13.04. 2025. godine.

Dana 12.04. 2025. godine (subota) izbori su održani u Mjesnim zajednicama Dabrovine, Dragovići, Javornik, Kadarići, Mir, Pržići, Ravne, Stupni Do i Vareš Majdan.

Dana 13.04. 2025. godine (nedjelja) izbori su održani u sljedećim mjesnim zajednicama: Borovica, Brgule, Budoželje, Daštansko, Duboštica, Kokošćići, Ligatići, Neprivaj, Striježevo, Strica-Zaruđe, Vijaka i Vareš.

U mjesnoj zajednici Pogar izbori su održani dana 14.04. 2025. godine, u mjesnoj zajednici Planinica dana 05.05. 2025. godine.

Izbori u Mjesnoj zajednici Očevija nisu provedeni iz nepoznatih razloga. (Nije dostavljen zapisnik).

U članu 79. Statuta Općine Vareš – prečišćeni tekst, broj: 01-162/12 od 11.09. 2012. godine stoji: „*Organi mjesne zajednice dužni su organizovati i obezbijediti održavanje zbora građana. O održavanju i vođenju zbora građana brine se predsjednik mjesne zajednice, odnosno njegov zamjenik.*“

U vezi sa naprijed navedenim, Komisija je na osnovu zapisnika dostavljenih od organa mjesnih zajednica utvrdila ovaj Izvještaj.

Komisija konstatuje da su izbori provedeni u 21 mjesnoj zajednici u dane utvrđene Odlukom. Izvan termina utvrđenih Odlukom izbori su provedeni u dvije mjesne zajednice.

Dakle, izbori su provedeni u 23 mjesne zajednice i organi mjesnih zajednica su blagovremeno dostavili zapisnike sa zborova građana.

Komisija je za 17 mjesnih zajednica pripremila odluke o potvrđivanju rezultata izbora za članove savjeta mjesnih zajednica i to: Borovica, Brgule, Budoželje, Dabravine, Daštansko, Dragovići, Duboštica, Javornik, Kokošćići, Kadarići, Ligatići, Mir, Nepričaj, Pržići, Planinica, Ravne i Strica-Zaruđe.

U mjesnoj zajednici Stupni Do, zbor građana je zakazan i održan 12.04. 2025. godine, ali niko od prisutnih nije želio da bude član savjeta mjesne zajednice.

U mjesnim zajednicama Striježevo, Pogar, Vijaka, Vareš i Vareš Majdan, zborovi građana su zakazani i održani 12, 13 i 14.04. 2025. godine, iako nije bilo kvoruma, ali su prisutni građani izvršili izbor organa mjesnih zajednica.

Mjesna zajednica Očevija nije dostavila zapisnik o provedenim izborima iako je u više navrata kontaktirano sa predsjednikom mjesne zajednice.

Prijedlog i mišljenje Komisije

MZ Striježevo

Na zboru građana Mjesne zajednice Striježevo 13.04. 2025. godine nije bilo kvoruma, nakon čega su prisutni građani donijeli odluku da izaberu organe, te izvršili izbor savjeta i predsjednika.

Ovakav način izbora je u suprotnosti sa odredbama člana 63. stav 2. Statuta Općine Vareš – prečišćeni tekst, broj: 01-162/12 od 11.09.2012. godine u kojem stoji: „*Zbor građana može punovažno odlučivati ako je prisutna najmanje jedna desetina građana upisanih u spisak birača za tu mjesnu zajednicu.*“

Građani koji su bili prisutni na zboru građana (njih 30) su donijeli odluku o izboru organa mjesne zajednice iako svjesni da nema kvoruma i da takve odluke nisu punovažne. Svojim postupkom oni su na određeni način iznijeli svoj stav o mjesnoj zajednici, značaju i važnosti mjesne zajednice za život građana, a posebno oni kandidati koji su prihvatili kandidaturu i izabrani u organe mjesne zajednice.

Uzevši u obzir sve naprijed navedeno, Komisija predlaže Općinskom vijeću da Općinskom načelniku da saglasnost da izabrani savjet i predsjednika Mjesne zajednice Striježevo, a prema Zapisniku sa Zbora građana Mjesne zajednice Striježevo, broj: 01-08/25 od 13.04. 2025. godine, imenuje kao povjerenstvo i povjerenika sa pravima i obavezama savjeta i predsjednika.

MZ Pogar

Na zboru građana Mjesne zajednice Pogar 14.04. 2025. godine nije bilo kvoruma.

Građani koji su bili prisutni na zboru građana (njih 11) su donijeli odluku o izboru organa mjesne zajednice iako svjesni da nema kvoruma i da takve odluke nisu punovažne.

Svojim postupkom oni su na određeni način iznijeli svoj stav o mjesnoj zajednici, značaju i važnosti mjesne zajednice za život građana, a posebno oni kandidati koji su prihvatili kandidaturu i izabrani u organe mjesne zajednice.

Uzevši u obzir sve naprijed navedeno, Komisija predlaže Općinskom vijeću da Općinskom načelniku da saglasnost da izabrani savjet i predsjednik Mjesne zajednice Pogar, a prema Zapisniku sa Zbora građana Mjesne zajednice Pogar, od 14.04. 2025. godine, imenuje kao povjerenstvo i povjerenika sa pravima i obavezama savjeta i predsjednika.

MZ Vareš Majdan

Na zboru građana Mjesne zajednice Vareš Majdan također nije bilo kvoruma.

Građani koji su bili prisutni na zboru građana (njih 44) su donijeli odluku o izboru organa mjesne zajednice iako svjesni da nema kvoruma i da takve odluke nisu punovažne.

Svojim postupkom oni su na određeni način iznijeli svoj stav o mjesnoj zajednici, značaju i važnosti mjesne zajednice za život građana, a posebno oni kandidati koji su prihvatili kandidaturu i izabrani u organe mjesne zajednice.

Uzevši u obzir sve naprijed navedeno, Komisija predlaže Općinskom vijeću da Općinskom načelniku da saglasnost da izabrani savjet i predsjednik Mjesne zajednice Vareš Majdan, a prema Zapisniku sa Zbora građana Mjesne zajednice Vareš Majdan, broj: 12/25 od 12.04. 2025. godine, imenuje kao povjerenstvo i povjerenika sa pravima i obavezama savjeta i predsjednika.

MZ Vareš

Kada je riječ o Mjesnoj zajednici Vareš, na zakazanom zboru građana nije bilo kvoruma (prisutno 11 građana), prisutni građani su također donijeli odluku o izboru organa mjesne zajednice iako svjesni da nema kvoruma i da takve odluke nisu punovažne.

Svojim postupkom oni su na određeni način iznijeli svoj stav o mjesnoj zajednici, značaju i važnosti mjesne zajednice za život građana, a posebno oni kandidati koji su prihvatili kandidaturu i izabrani u organe mjesne zajednice.

Uzevši u obzir sve naprijed navedeno, Komisija predlaže Općinskom vijeću da Općinskom načelniku da saglasnost da izabrani savjet i predsjednik Mjesne zajednice Vareš, a prema Zapisniku sa Zbora građana Mjesne zajednice Vareš Majdan, od 13.04. 2025. godine, imenuje kao povjerenstvo i povjerenika sa pravima i obavezama savjeta i predsjednika.

MZ Vijaka

Kada je riječ o Mjesnoj zajednici Vijaka, na zakazanom zboru građana nije bilo kvoruma (prisutno 34 građana), prisutni građani su također donijeli odluku o izboru organa mjesne zajednice iako svjesni da nema kvoruma i da takve odluke nisu punovažne.

Komisija za utvrđivanje rezultata izbora za članove savjeta mjesnih zajednica na području općine Vareš je dana 12.05. 2025. godine zaprimila Prigovor na održani Zbor građana MZ Vijaka koji je održan 13.04. 2025. godine (u daljem tekstu: Prigovor).

Komisija je na sjednici održanoj 13.05. 2025. godine, razmatrala navode u Prigovoru kao i navode u Zapisniku sa zbora građana Mjesne zajednice Vijaka, broj: 15/25 od 13.04.2025. godine), a koji je zaprimljen dana 18.04. 2025. godine (u daljem tekstu: Zapisnik).

Nakon razmatranja navoda u Prigovoru i Zapisniku, Komisija daje mišljenje:
„S obzirom da su navodi u Prigovoru i Zapisniku većim dijelom kontradiktorni, predlaže se organima Mjesne zajednice Vijaka da ponovno zakažu Zbor građana u dane

07. ili 08.06. 2025. godine i izvrše izbor Savjeta, predsjednika i zamjenika predsjednika Mjesne zajednice Vijaka u skladu sa općinskim propisima.

MZ Mir

Kada je riječ o MZ Mir, Komisija za utvrđivanje rezultata izbora za članove savjeta mjesnih zajednica na području općine Vareš je dana 14.04. 2025. godine zaprimila Prigovor na održani Zbor građana MZ Mir koji je održan 12.04. 2025. godine (u daljem tekstu: Prigovor).

Komisija je na sjednici održanoj 13.05. 2025. godine, razmatrala navode u Prigovoru kao i navode u Zapisniku sa zbora građana Mjesne zajednice Mir, broj: 11/25 od 12.04.2025. godine), a koji je zaprimljen dana 24.04. 2025. godine (u daljem tekstu: Zapisnik). Nakon razmatranja navoda u Prigovoru i Zapisniku, Komisija daje mišljenje:

„Utvrdeno je da pojedini članovi Savjeta MZ Mir nemaju prebivalište na području Mjesne zajednice Mir, što je u suprotnosti s važećim propisima, predsjednik MZ Mir, Ivo Dusper, dostavio je Zapisnik sa Zbora građana, te CIPS prijave prebivališta za članove Savjeta. Nakon razmatranja, Savjet MZ Mir je donio odluku da članove bez prebivališta na području MZ Mir ne prihvati, čime je broj članova Savjeta smanjen na tri, s obzirom na specifičnu situaciju u MZ Mir, posebice mali broj stanovnika i potrebu za nesmetanim funkcioniranjem Mjesne zajednice, predlažemo da Općinsko vijeće Vareš prihvati izabrani Savjet MZ Mir u sastavu od tri člana, kao i izabranog predsjednika Savjeta, kako bi se osigurala kontinuitet rada i efikasno rješavanje lokalnih pitanja“.

MZ Pržići

Kada je riječ o MZ Pržići, Komisija za utvrđivanje rezultata izbora za članove savjeta mjesnih zajednica na području općine Vareš je dana 07.05. 2025. godine zaprimila Prigovor na održani Zbor građana MZ Pržići koji je održan 12.04. 2025. godine (u daljem tekstu: Prigovor).

Komisija je na sjednici održanoj 13.05. 2025. godine, razmatrala navode u Prigovoru kao i navode u Zapisniku sa zbora građana Mjesne zajednice Pržići, broj: 01-04/25 od 12.04.2025. godine), a koji je zaprimljen dana 17.04. 2025. godine (u daljem tekstu: Zapisnik). Nakon razmatranja navoda u Prigovoru i Zapisniku, Komisija daje mišljenje: **„S obzirom da je Dragan Gavran bio predložen za člana Savjeta mjesne zajednice Pržići i da isti nije dobio potreban broj glasova za člana Savjeta mjesne zajednice Pržići, smatramo da Općinsko vijeće treba potvrditi izabrani Savjet i predsjednika Savjeta mjesne zajednice Pržići.**

S obzirom da Izbori nisu provedeni u Mjesnim zajednicama Očevija nisu održani i Stupni Do niko od prisutnih građana nije želio prihvatiti da bude član Savjeta mjesne zajednice, Komisija predlaže Općinskom vijeću da Općinskom načelniku da saglasnost za imenovanje povjerenstva i povjerenika u ovim mjesnim zajednicama, do zakazivanja novih izbora u dane 07. ili 08.06. 2025. godine.

Glavni razlog zbog kojeg Komisija predlaže davanje saglasnosti Općinskom načelniku da imenuje povjerenstva i povjerenike u mjesnim zajednicama: Striježevo, Pogar, Vareš Majdan, Vareš, Vijaka, Očevija i Stupni Do jeste nastavak funkcioniranja navedenih mjesnih zajednica do izbora organa u skladu sa općinskim propisima.

Na osnovu dostavljenih zapisnika i informacija sa terena, a naručito u urbanim Mjesnim zajednicama Vareš i Vareš Majdan, gdje već dugu godinu nema kvoruma kako bi se izabrali organi Mjesnih zajednica, Komisija predlaže sljedeći zaključak: „Potrebno je da Općina Vareš, načelnik i OV Vareš kao i druga nadležna tijela krenu u postupak izmjene Statuta Općine Vareš tačnije člana 63. st. 3. odnosno da riječ „javnim“ glasanje se zamjenjuje „tajnim“ glasanjem i da se u istom stavu „jedna desetina“ zamjeni sa „od broja prisutnih građana“ te na taj način se omogući i odblokira izbor članova savjeta MZ Vareš i MZ Vareš Majdan.

DOSTAVLJENO:

1 x Općinsko vijeće Vareš,
1 x a/a.



KOMISIJA U SASTAVU:

1. Rusmir Berberović, predsjednik;
2. Malik Likić, zamjenik predsjednika;
3. Dragan Orozović, član;
4. Nikola Mandić, član;
5. Nikola Jačimovski, član.